



AMIPA

Comarca do Sar

MEMORIA 2015

**Pessoas con
Discapacidade
Intelectual**

ÍNDICE

1. DATOS IDENTIFICATIVOS
2. INTRODUCCIÓN
3. FUNDAMENTACIÓN
4. OBXECTIVOS E LIÑAS DE ACTUACIÓN
5. RECURSOS HUMANOS
6. PROGRAMAS E SERVIZOS AO LONGO DO ANO 2015
7. HORARIOS
8. PROPOSTAS DE MELLORA PARA O ANO 2016
9. SUBVENCÍONS E AXUDAS

1. DATOS IDENTIFICATIVOS

- Denominación: **AMIPA. ASOCIACIÓN DE NAIS E PAIS DE PERSOAS CON DISCAPACIDADE INTELECTUAL DA COMARCA DO SAR**
- Identificación fiscal: G-15611536
- Sede social: CENTRO SOCIAL – CAMPO DO SOUTO, s/n. 15900 – PADRÓN (A CORUÑA)
- Enderezo: SAN TOMÉ DE SORRIBAS, nº2. 15980 ROIS (A CORUÑA)
- Teléfonos: 981.817.202 – 669.051.747
- Inscrita co Nº E-1031 no Rexistro de Entidades Prestadoras de Servizos Sociais da Consellería de Benestar da Xunta de Galicia desde o día 28 de novembro de 1997.
- AMIPA foi Declarada Entidade de Utilidade Pública (Orde do 30 de Setembro de 2009. DOG nº 203).
- Enderezo electrónico: asociacionamipa@gmail.com
- Páxina web: www.asociacionamipa.es

2. INTRODUCCIÓN

No presente documento recolle unha análise descritiva do percorrido realizado pola AMIPA ao longo do ano 2015. A Memoria é un instrumento de avaliación, e ten por finalidade recoller os procesos desenvolvidos que afectan á organización, ás familias, ao funcionamento xeral do Centro Ocupacional de Sorribas e ás persoas con discapacidade intelectual ás que se prestan diferentes apoios e servizos. Por este motivo aparecen recollidos non soamente os logros, senón tamén as limitacións xurdidas no desenvolvemento do Plan Anual.

Co fin de artellar estratexias, medios e recursos para a promoción integral das persoas con discapacidade intelectual, recóllense tamén algunhas propostas para desenvolver no ano 2016.

Na elaboración deste documento participaron directa e indirectamente as persoas con discapacidade intelectual (PcDI), o equipo de profesionais, as familias, as persoas voluntarias e os membros da nosa comunidade de referencia.

3. CONTEXTUALIZACIÓN

O ámbito territorial de actuación da Asociación AMIPA é a Comarca do Sar, formada polos municipios de Dodro, Rois e Padrón. AMIPA xestiona o Centro Ocupacional de Sorribas que é o único recurso especializado de atención a persoas con discapacidade intelectual na Comarca. A Comarca ten un censo de 16.235 habitantes, 8.427 mulleres e 7.808 homes (Instituto Galego de Estatística, datos 2015)

O Centro Ocupacional conta con 24 prazas autorizadas, 20 delas públicas, para PcDI con necesidades de apoio límite e intermitente, con idades de ingreso comprendidas entre os 18 e 59 anos.

Ao longo do ano 2015 foron 21 as prazas ocupadas en Sorribas, 10 mulleres e 11 homes. Cómpre sinalar que cada vez é máis importante o número de persoas con discapacidade que presentan necesidades de apoio extensas e xeneralizadas, nalgúns casos, por motivos de idade.

O Centro Ocupacional é un recurso para a atención das PcDI na procura do seu maior desenvolvemento persoal e autonomía social, a través de procesos de formación

individualizados, da práctica ocupacional, da participación na vida da comunidade e da creación de redes naturais de apoio para a súa inclusión social e laboral.

AMIPA continúa optando pola individualización dos apoios ás persoas con discapacidade intelectual, na procura da súa máxima autonomía e benestar.

Todas as persoas con discapacidade contan co seu Plan Individual de Atención (PIA).

No desenvolvemento dos programas e servizos do Centro Ocupacional, así como no PIA de cada persoa con discapacidade, percíbese que a idade das PcDI agrava as situacións de dependencia, o que vén determinando maiores necesidades de atención e apoio, ademais da necesidade de recursos diferentes.

Un ano máis, por mor da realidade socioeconómica, vivíronse importante incertezas na estabilidade das fontes de financiamento. En relación ao financiamento privado, son cada vez menos as axudas ás que AMIPA pode optar, debido a que se priorizan proxectos con un grande número de persoas beneficiarias, tanto directas como indirectas. Por outro lado, o ano 2015 tamén estivo caracterizado polos axustes económicos. A este respecto é importante matizar que, en todos e cada un dos procesos de toma de decisións, AMIPA situou, por riba de todo, a atención de máxima calidade para as persoas con discapacidade intelectual.

4. OBXECTIVOS e LIÑAS DE ACTUACIÓN

O Plan Anual é un instrumento de planificación útil e significativo. Na reunión de avaliación do ano 2014 realizouse unha análise DAFO e a partir dos datos obtidos, consensuáronse liñas prioritarias de actuación para todo o ano. As liñas de actuación do ano 2015 estiveron especialmente dirixidas a favorecer a presenza das persoas con discapacidade intelectual na comunidade.

Ao longo deste ano continuouse cun intenso proceso de profesionalización das persoas do equipo de traballo.

Foi tamén importante o esforzo por personalizar o Centro Ocupacional, á vez que se continuou coas adaptacións e o desenvolvemento de apoios visuais como estratexia metodolóxica nas actividades e na accesibilidade cognitiva dos diferentes espazos.

Todas as actividades e propostas de AMIPA estiveron encamiñadas a favorecer o protagonismo das persoas con discapacidade intelectual. Este ano todas as persoas

participaron nunha liña de actuación, dinamizando a mesma en grupos de dúas ou tres PcDI, cunha profesional de apoio. Temos evidencias de que, cos apoios necesarios, as persoas con discapacidade gañan en autonomía persoal e social, así como no seu benestar integral, e de que unha sociedade inclusiva precisa da participación real de todas as persoas.

Ao longo do ano continuáronse artellando os requisitos administrativos esixidos no funcionamento do Centro Ocupacional de Sorribas, e en especial, co proceso de implantación dun sistema de calidade no propio Centro Ocupacional.

Tal e como queda reflectido nas actuacións desenvolvidas, unha liña importante de intervención é a apertura de AMIPA á comunidade, participando en proxectos xunto a outras entidades, realizando actividades de sensibilización e dando a coñecer o recurso especializado do Centro Ocupacional. Son moitas e interesantes as oportunidades que seguen xurdindo neste eido, unhas relacionadas con actividades sociais, culturais e deportivas compartidas coas persoas do noso contorno, outras relacionadas coa creación de redes de colaboración con distintas entidades e organizacións.

En definitiva, cumpríronse na súa totalidade as liñas de actuación definidas para o ano 2015.

Ademais foi prioritario o desenvolvemento do Plan Individual de Atención (PIA) de cada persoa con discapacidade, para o cal se celebraron semanalmente reunións do equipo de profesionais co fin de establecer, en función das demandas e necesidades de cada persoa con discapacidade, o tipo e intensidade de apoios individualizados e o seguimento dos mesmos.

Parte importante das actividades e programas que AMIPA desenvolve para dinamizar os procesos de promoción integral das persoas con discapacidade dependen do financiamento público (Xunta de Galicia, Deputación da Coruña e Concellos da Comarca: Rois, Padrón e Dodro). Mais dende a nosa entidade tense asumido a urxencia de procurar novas fontes de financiamento, de explorar novos recursos e de iniciar vieiros de autoxestión para crear alternativas aos modelos económicos, como son por exemplo a venda de produtos ecolóxicos e artesanais, a prestación de servizos a empresas da comarca e a busca de novos/as socios/as colaboradores/as (aínda tratándose de modelos de financiamento moito menos estables).

Con referencia ás PERSOAS CON DISCAPACIDADE INTELECTUAL

- AMIPA pretende dar resposta ás necesidades de apoio das persoas con discapacidade nas distintas facetas da súa vida, tentando crear lazos co resto de axentes implicados na vida da persoa: os membros da súa unidade de convivencia, a comunidade de referencia, profesionais, administración pública ...
- Diariamente se celebran pequenas reunións matutinas, adaptadas cognitivamente para todas as persoas, para orientar e informar sobre as peculiaridades do día que comeza, deste xeito establécense rutinas e tamén vías de participación para as persoas con discapacidade.
- As demandas e propostas das persoas con discapacidade e das súas familias tentan recollerse por medio de diferentes canles: caixa de suxestións, achegas da familia, observación e rexistro de verbalizacións e comportamentos, rexistro das reunións de PIA, rexistros de chamadas telefónicas, entrevistas e conversas informais, revisión diaria dos programas e actividades desenvolvidas,...
- As persoas precisan de acompañamento continuo no seu Plan Individual de Atención (PIA). Os logros e o nivel de satisfacción das persoas protagonistas son altísimos, mais, todos son procesos inacabados, como a vida mesma, en constante evolución e cambio. Cada PIA, se avalía anualmente, tentando manter unha reunión anual con cada PcDI e os seus familiares e/ou representantes legais.
- Semanalmente o equipo multidisciplinar reúnese para compartir información, planificar actividades e tomar decisión arredor dos PIAs a desenvolver ao longo da semana.
- A nivel grupal funcionaron o grupo de autoxestores/as e de peludos/as. Ambos grupos elixen e planifican os temas a tratar e as actividades a realizar nas reunións de cada trimestre. As persoas con discapacidade expresan as súas necesidades de cambio na prestación dos apoios profesionais e familiares que reciben, formulando novas necesidades, o que facilita os procesos de planificación centrados en cada persoa.
- Celébranse asembleas trimestrais para favorecer a participación de todas as persoas con discapacidade intelectual.

- As persoas asumen, con apoio, moitas responsabilidades dentro do Centro Ocupacional. Algúns exemplos son os seguintes: a compra do café para os descansos da mañá, reposición de papel hixiénico e xabón no baño, traslado do material deportivo para os adestramentos e chaves das instalacións, separación para a reciclaxe, etc. Para algunhas tarefas establecéronse grupos estables, para outras distribúense por quendas (posta e recollida do café, da mesa,...).
- Continuamos traballando códigos de cor e o desenvolvemento das adaptacións precisas para aumentar a autonomía e a participación diaria das PcDI no centro, mellorando a accesibilidade cognitiva para todas as persoas.
- O nivel de participación e implicación das persoas con discapacidade en todas as actividades e programas propostos desde AMIPA foi moi alta ao longo de todo o ano.
- Todas as PcDI se adaptaron con facilidade aos cambios e á reorganización dos espazos e responsabilidades en función do traballo ocupacional. Valóranse moi positivamente os cambios de tarefa, as novas actividades e as reunións de coordinación profesional das mañás para planificar o día dunha forma flexible. Grazas a isto detectouse unha mellora na resolución de conflitos e maior nivel de satisfacción nas PcDI. Neste eido foron fundamentais os cambios no traballo ocupacional e a rotación de tarefas e talleres tanto nas persoas con discapacidade como nas profesionais.
- Todas as persoas con discapacidade foron protagonistas e dinamizaron as diferentes accións formuladas dende as liñas de actuación desenvolvidas o longo do 2015.
- Cada persoa con discapacidade intelectual decide que persoa da súa unidade familiar quere que o acompañe para celebrar á festa Nadal “Unha tarde comigo, unha tarde con nós”.
- As persoas con discapacidade intelectual participaron nun taller de hábitos e bebidas saudables impartido dende o Plan de Prevención de drogodependencias e outras condutas aditivas dos concellos de Dodro, Padrón, Rois e Valga e en Obradoiros para o Benestar.

En canto ás UNIDADES DE CONVIVENCIA

- O 60% das familias participou nas Asembleas de Socios e Socias.
- De maneira habitual mantense contacto telefónico co 100% das familias asociadas. As comunicacións envíanse habitualmente por escrito ás persoas e ás súas familias e/ou representantes legais.
- O 90% dos familiares acoden ao Centro cando se lles convoca a unha reunión para tratar temas que afecten á persoa con discapacidade coa que conviven.
- En todo momento téntase dar resposta ás demandas e ás necesidades específicas de cada familia. Tamén faise fincapé en canalizar aos membros das unidades de convivencia as demandas das PcDI e as necesidades puntuais detectadas polo equipo de profesionais a partir do coñecemento da PcDI.
- As familias participaron activamente en distintas actividades e liñas de actuacións que se organizaron ao longo deste ano: Vida asociativa (celebración do Amipeiro/a de Honra 2015); festa de Nadal “Unha tarde comigo, unha tarde con nós”, xornada de San Xoán coa veciñanza, Obradoiros para o Benestar ...
- Oito familias de Amipa participan nun proxecto de investigación, liderado pola Fundación María José Recio, destinado a reducir a sobrecarga derivada do coidado do seu familiar con discapacidade: Proxecto Educa IV.

Relativo á XUNTA DIRECTIVA e ao EQUIPO DE PROFESIONAIS

- Celebrouse unha Asemblea anual de persoas asociadas, no mes de xuño.
- Amipa participou nun grupo de traballo para a revisión dos valores do movemento Plena Inclusión.
- Dinamizamos un obradoiro sobre os valores a través do cine no “21 Encontro de familias de persoas con discapacidade intelectual”, organizado por Fademga-Plena Inclusión Galicia e nun vídeo-forum sobre valores a través do cine no festival de cine Cineuropa.
- Amipa participa nun grupo de traballo de Calidade Plena Inclusión.

- Familias, persoas con discapacidade e profesionais de Amipa participan na formación do “Equipo de Autoavaliación” de Calidade Plena Inclusión, no mes de xullo, impartido por unha profesional da Federación galega.
- Todos/as os profesionais de AMIPA participaron en accións formativas organizadas dende o Centro Ocupacional e por institucións especializadas.
- Mantívose unha estreita colaboración coa Fundación Sálvora, quen dende finais deste ano 2013 tutela a unha PcDI usuaria de AMIPA. Dita colaboración foi fundamental para que a PcDI conte cos apoios precisos e poida desenvolver unha vida dun xeito o máis normalizado posible no seu contorno de referencia.
- Foi necesaria e imprescindible a coordinación, a flexibilidade diaria e a implicación das profesionais para poder atender as necesidades específicas das persoas con discapacidade no Centro Ocupacional e para poder acometer o reto de desenvolver todas as liñas de actuación 2015 na comunidade.

Apertura ao CONTORNO

- No 2015 AMIPA conta con 2 novas persoas socias colaboradoras.
- AMIPA mantivo relación coas seguintes entidades públicas ao longo do ano: Xunta de Galicia, Deputación da Coruña, Concello de Padrón, Concello de Dodro e Concello de Rois.
- AMIPA traballa en coordinación cos Servizos Sociais municipais de Dodro, Padrón e Rois.
- Participamos cunha mostra de produtos artesanais no X aniversario do AIS O Peto (banca ética).
- Participamos na Semana da Solidariedade, organizada polo IES Félix Muriel de Rianxo (A Coruña), cun posto de venta de produtos artesanais e da horta ecolóxica.
- Desenvolvemos e participamos nuns obradoiros de intercambio de receitas co alumnado do Ciclo Formativo de Atención a Persoas en situación de Dependencia do IES Félix Muriel de Rianxo (A Coruña).

- AMIPA asina un convenio de colaboración para o desenvolvemento de prácticas do alumnado da Universidade de Santiago de Compostela. Durante este ano 2015 acolleuse a unha alumna en prácticas da Facultade de Ciencias da Educación.
- A formación ocupacional das persoas con discapacidade reproduce a práctica real da empresa ordinaria en base ao convenio de colaboración cunha empresa de accesorios de aluminio da comarca, Stac SL.
- AMIPA participou en actividades deportivas e de lecer da Liga Interclubes da Provincia de A Coruña (Liga Norte).
- AMIPA tamén participou en actividades deportivas e na liga de baloncesto organizada a nivel autonómico por Special Olympics Galicia.
- No mes de xuño celebrouse A GOLPE DE PEDALI, cunha exposición de bicicletas antigas cedidas por persoas afeccionadas ao ciclismo da Comarca e unha ruta cicloturística aberta a toda a veciñanza.
- Neste momento catro tendas da Comarca do Sar e de Santiago colaboran mostrando os nosos produtos e creacións artesanais en pequenos stands de venda ao público.
- Os produtos da horta do Centro Ocupacional son comercializados a través da venda directa e dunha empresaria individual da contorna que tamén produce en ecolóxico e ten postos de venda en dúas prazas de abastos.
- AMIPA contou coa colaboración de voluntariado Europeo a través de acordos coa Fundación Paideia.
- Recibimos a visita dun grupo de 17 persoas do Grupo Garma Cantabria, un proxecto autoxestionado de granxa escola en Penagos (Cantabria), moi interesadas en coñecer o funcionamento e os valores da nosa entidade.
- As novas na páxina web e nas redes sociais estiveron sempre actualizadas, ampliando notablemente o número de persoas seguidoras nas redes sociais.
- Organizamos a actividade “Noite Efervescente”, participando nunha fin de semana de convivencia con persoas doutras entidades e astrónomos/as que guiaron a observación do ceo no Planetario de Forcarei.

- Dende o ano 2013, un grupo de persoas con discapacidade intelectual, acompañados por unha educadora de apoio, acude semanalmente, xunto con outras persoas do municipio, á actividade de Ximnasia de Mantemento en Urdilde, organizada polo Concello de Rois.
- Participamos nunha convivencia gastronómica de Entroido co grupo de persoas da actividade de Ximnasia de Mantemento de Urdilde (Rois).
- Participamos no XV Encontro Autonómico de Autoxestores/as celebrado en Santiago no mes de novembro.
- Participamos en Padrón, xunto con outras entidades, nunha obra de teatro destinada a persoas con discapacidade intelectual, da Compañía de Blanca Marsillach.
- Estivemos presentes nos medios de comunicación, Radio Valga, Radio Voz, así como en La Voz de Galicia e no Correo Gallego.
- Persoas voluntarias colaboran en diferentes actividades e proxectos da nosa entidade.

5. RECURSOS HUMANOS

As e os profesionais que teñen participado no desenvolvemento dos servizos, proxectos e actividades da AMIPA ao longo do ano 2015, son os seguintes:

- Xerente (35 horas semanais).
- Psicopedagoga (10 horas semanais).
- 3 Educadoras (38,5 horas semanais).
- 1 Terapeuta Ocupacional (38,5 horas semanais)
- 1 Educadora Social (38,5 horas semanais, ata o mes de agosto)
- 1 Cociñeira, con funcións de limpeza (32,5 horas semanais).

As accións de formación realizadas polas profesionais de Amipa, organizadas polo propio centro e por entidades públicas e privadas especializadas, foron as seguintes:

- Obradoiro de emocións, no Centro Ocupacional. 2,5 horas.
- Os valores a través do cine, no Centro Ocupacional. 2 horas.
- Formación en encadernación artesán. 4 horas.
- II Foro de educación emocional e social: Emociona2. 8 horas.
- Curso presencial “Desing Thinking para a innovación social dixital”. 16 horas.
- Curso presencial “O proceso de duelo en persoas con discapacidade intelectual”. 4 horas.
- “Xornadas técnicas sobre aspectos éticos e xurídicos en la atención a persoas con capacidade de obrar modificada”. 7 horas.
- “Xornada sobre a responsabilidade do coidado na discapacidade”. 3 horas
- “Xornadas médicos-legais sobre as suxeicións”. 2 horas.
- Curso online: “Educación para a saúde”. 100 horas.
- Curso online: “Sistema de atención á dependencia en España: Demandas e ofertas de atención na nova actualización da lei”. 130 horas.

Outras persoas que participan no desenvolvemento do Proxecto da AMIPA na Comarca do Sar, son:

- 2 días á semana, Educadora Familiar (Técnica do Concello de Rois).
- 2 Monitores Deportivos de Padrón e Rois (2 días á semana), nos adestramentos deportivos da semana e en acompañamento nas actividades deportivas da fin de semana).
- 1 profesional da Aula Cemit de Padrón.
- Grupo de voluntarios e voluntarias.
- Unha persoas en prácticas.
- Xunta Directiva da Asociación AMIPA, formada por 6 persoas.
- 23 socios/as de número.

- 41 socios/as colaboradores/as.
- 21 persoas con discapacidade intelectual, participantes diarios no Programa desenvolvido pola AMIPA.

6. PROGRAMAS E SERVIZOS DESENVOLVIDOS AO LONGO DO ANO 2015

Ao longo do ano 2015 AMIPA desenvolveu unha rede de servizos, programas e actividades que tiveron ás persoas con discapacidade intelectual como protagonistas. Nas distintas áreas formuláronse diferentes accións a desenvolver coas propias persoas con discapacidade intelectual, a nivel interno dentro da organización, cos membros das súas familias ou en relación coa contorna.

E así, o Centro Ocupacional organizouse arredor de distintas áreas:

1. Formación ocupacional das persoas con discapacidade intelectual. Fai referencia a:

- 1.1 Xestión administrativa e coordinación técnica
- 1.2 Montaxe de accesorios e complementos do aluminio (coa empresa STAC)
- 1.3 Agricultura ecolóxica (na horta da Reitoral de Sorribas)
- 1.4 Obradoiro de artesanía
- 1.5 Unidade de apoio xeneralizado, na que se seguen ritmos e procesos formativos adaptados ás persoas con discapacidade intelectual con menor autonomía persoal, ocupacional e social.

2. Formación para a vida das persoas con discapacidade intelectual da Comarca do Sar. Nesta área inclúese:

- 2.1. Programas individualizados. Formación integral e continua de cada persoa nas distintas áreas da vida, co fin de acadar a maior autonomía posible cos apoios específicos e persoais necesarios. Algúns dos programas deste ano son os seguintes:
 - Autoxestores/as, peludos/as e asembleas
 - Actividades físicas e deportivas específicas e na comunidade

- Tardes de lecer: Quedadas
- Días de convivencia e lecer nas Rías Baixas e a Noite Efervescente en Forcarei.
- Participación na comunidade: saídas
- Compra semanal
- Cociña
- Actualízate
- Mantemento de xardín
- Psicomotricidade
- Euro
- Informática
- Relacións persoais
- Orientación
- Horta dos aromas
- Aforro
- Ximnasia de mantemento en Urdilde (actividade organizada polo Concello de Rois).
- Horto ecolóxico
- Clases de Inglés
- Aula Cemit

2.2. Grupos de traballo formados polas persoas con discapacidade e os profesionais de AMIPA:

Foron as persoas con discapacidade intelectual, por parellas, co apoio dunha profesional, as que dinamizan as **accións na comunidade**.

Os ámbitos elixidos e as accións desenvolvidas foron os seguintes:

- a) Educativo: Reunións coas orientadoras dos colexios e institutos de Padrón, Dodro e Rois.

b) Sanitario:

- reunións co persoal dos centros de saúde de Dodro e Padrón.
- obradoiros sobre a saúde en pequenos grupos cas PcDI.
- dinamización de obradoiros coas familias sobre o benestar físico e emocional das PcDI.

c) Económico-laboral:

- reunións cos empresarios e empresarias da Comarca do Sar.
- visita a comercios da comarca para publicitar os produtos artesanais.
- visita a tendas de alimentación para a comercialización do pemento de Padrón.

d) Social e cultural:

- Visitas guiadas na Casa Museo Rosalía de Castro á exposición fotográfica “Miradas que falan” en colaboración coa Asociación Pai Menni.
- Inclusión lectora coas persoas maiores do Cento de Día de Dodro.
- Realización dunha festa de San Xoán cos veciños e veciñas de Sorribas.
- Celebración da I Xornada de Portas Abertas á Inclusión.
- Festa de Nadal: “Unha tarde comigo, unha tarde con nós”.

e) Participación nun proxecto piloto destinado a mellorar a usabilidade e accesibilidade dos ordenadores da aula Cemit de Padrón a través dun sistema alternativo e máis sinxelo de autenticación e da creación dun escritorio adaptado cognitivamente para as persoas con discapacidade intelectual.

f) Político e social: Difusión da accesibilidade cognitiva a través de reunións cos Alcaldes dos tres concellos do Sar, responsables dos centros socioculturais e servizos sociais, entrevistas na radio e cafés-conversa en cafeterías.

3. AMIPA tamén presta os seguintes servizos.

3.1. Servizo de comedor

3.2. Servizo de transporte

3.3. Orientación e apoio ás familias.

3.4. Deportes e actividade física: Con adestramento de 2 horas semanais e a participación en 2 sábados deportivos ao mes.

- 3.5. Lecer e tempo libre: A través de saídas en pequenos grupos os venres pola tarde e os sábados. No mes de setembro as persoas con discapacidade gozaron duns días de convivencia e lecer nas Rías Baixas e, no mes de xuño da Noite efervescente, en Forcarei (Pontevedra)
- 3.6. Sensibilización na comunidade: son moitas e variadas as actuacións levadas a cabo neste ámbito. A maioría delas veñen derivadas da creación de lazos con entidades próximas, tanto públicas como privadas:
- A golpe de pedal!: Ruta cicloturística aberta a todas as persoas da Comarca do Sar.
 - Rutas de sendeirismo.
 - Partidos amistosos de fútbol sala.
 - Convivencia con alumnos do IES Félix Muriel no intercambio de receitas.

7. HORARIOS

HORARIO XERAL: O horario de atención as PCDI en Sorribas Centro Ocupacional foi de máis de 1540 horas anuais, adaptando este horario á disposición do servizo. O horario habitual de permanencia no Centro Ocupacional foi de 10:15 horas a 17:30 horas, de luns a venres, podéndose ampliar puntualmente por motivos relacionados coas actividades dos programas. Sorribas estivo pechado por vacacións estivais ao longo do mes de agosto. Os períodos de vacacións coincidiron cos do calendario escolar, Nadal e Semana Santa.

HORARIO OCUPACIONAL: Os talleres ocupacionais funcionaron en horario de mañá, de 10:30h a 14:00h do mediodía, e na sesión de tarde de 15:30 horas a 17:30 horas. Tendo unha hora e media de comedor (14:00h-15:30h).

HORARIO DOS PROGRAMAS: Os programas se desenvolveron en paralelo á actividade laboral. Cunha franxa horaria de 10:30h a 14:00h e de 15:30h a 17:30h.

HORARIO DE SERVIZOS COMPLEMENTARIOS: Os servizos complementarios do Centro Ocupacional desenvolvéronse de luns a sábado, en sesións de mañá e tarde.

8. PROPOSTAS DE ACTUACIÓN PARA 2016

A partir dos datos dunha análise DAFO e da avaliación das liñas de actuación levadas a longo do ano 2015, establecéronse as liñas prioritarias de actuación e os proxectos a desenvolver no ano 2016. As liñas de actuación do ano estarán especialmente dirixidas a favorecer as relacións con outras persoas da comunidade, crear espazos accesibles cognitivamente, busca de novas persoas socias, dar a coñecer o Centro ocupacional como un recurso especializado e a comercialización dos produtos artesanais e ecolóxicos.

O Plan Anual desenvólvese fundamentalmente a través de 4 ámbitos de actuación:

1. Apoio ás persoas con discapacidade intelectual
2. Coordinación interna
3. Apoio aos membros das unidades de convivencia
4. Apertura ao contorno

Algunhas das liñas de actuación a desenvolver en 2016 son as seguintes:

- Dar continuidade aos PIA de cada persoa con discapacidade intelectual establecendo obxectivos anuais en relación cos programas e actividades a desenvolver.
- Manter a oferta de Programas Individualizados adaptados ás necesidades e intereses de cada persoa con discapacidade intelectual.
- Dar apoios ás persoas con discapacidade intelectual para que sexan as verdadeiras protagonistas e dinamizadoras das actividades vinculadas ás liñas de actuación deste ano.
- Desenvolver actividades específicas para a mellora da saúde e do benestar integral de cada persoa con discapacidade a partires de diferentes contidos: relaxación, emocións, autocoidado e coñecemento do propio corpo.
- Favorecer o contacto con persoas con discapacidade intelectual doutras entidades, formulando diferentes actividades conxuntas ao longo do ano.
- Continuar co proceso de implantación en AMIPA dun Sistema de Calidade Plena Inclusión, no nivel de Compromiso.

- Desenvolver as diferentes liñas de actuación do 2016 a través de proxectos.
- Participar no proxecto de investigación, liderado pola Fundación María José Recio, destinado a reducir a sobrecarga derivada do coidado do seu familiar con discapacidade, a través de sesións de formación grupal e entrevistas individuais : Proxecto Educa IV.
- Organizar xornadas de convivencia cos membros das unidades de convivencia das persoas con discapacidade intelectual.
- Ofrecer alternativas de ocio para as persoas con discapacidade, desenvolvendo previamente actividades informativas sobre os recursos existentes destinadas ás persoas con discapacidade e ás súas familias.
- Colaborar con outras organizacións que traballan con persoas con discapacidade intelectual dende diferentes estruturas: a Liga Provincial (Liga Norte) e a Rede de Ocio Inclusivo de Galicia (ROIG).
- Desenvolver actividades socioculturais e deportivas nos Concellos da nosa Comarca: rutas de sendeirismo, partidos amistosos, xornada ciclista, etc.
- Ampliar a rede de difusión e comercialización da produción artesán e a ecolóxica da horta de Sorribas.
- Continuar dando a coñecer a accesibilidade cognitiva, como vía de inclusión social para as persoas con discapacidade intelectual no seu contorno, nos centros de saúde da Comarca.
- Seguir creando vínculos coas persoas da parroquia de Sorribas, as persoas con discapacidade e as súas familias, organizando unha actividade lúdica de convivencia coa veciñanza.
- Manter xuntanzas cos Servizos Sociais de Dodro, Padrón e Rois con fin de favorecer a colaboración na atención ás persoas con discapacidade intelectual de cara a traballar conxuntamente o empoderamento das mesmas.
- Diseñar unha proposta de colaboración con actividades, a través da lectura, co Centro de Día de Dodro e coa Biblioteca e Oficina Municipal de Voluntariado do Concello de Padrón.
- Organizar unha xornada formativa conxunta con outras entidades.

Algúns dos Programas Individualizados propostos para comezar a desenvolver ou manter no primeiro semestre do ano 2016, son os seguintes:

1. Autoxestores/as, peludos/as e assembleas
2. Compra semanal
3. Actualízate
4. Informática na Aula Cemit.
5. Cociña
6. Mantemento do xardín e da horta dos aromas
7. Ximnasia de mantemento en Urdilde (actividade organizada polo Concello de Rois).
8. Psicomotricidade
9. Manexo do teléfono
10. Actividades físicas e deportivas específicas e na comunidade
11. Equipos de traballo para desenvolver as liñas de actuación 2016

9. SUBVENCÍONS E AXUDAS PERCIBIDAS POLA ASOCIACIÓN AMIPA AO LONGO DE 2015

Neste eido cómpre salientar:

- O contrato asinado coa Consellería de Traballo e Benestar con referencia á xestión do servizo público para a reserva e ocupación de 20 prazas públicas en Centro Ocupacional para Persoas con Discapacidade. Na modificación e 5ª prórroga do contrato (do 1 de xaneiro de 2015 ao 31 de decembro de 2015) o importe destinado pola Administración ascendeu a 140.151,20€, que corresponde, dunha banda á prestación do servizo de atención diúrna por importe de 104.335,20€ e, doutra banda á prestación do servizo de transporte por importe de 35.816,00€. O importe real facturado no 2015 foi de 117.640,23€, correspondendo 96.783,61€ ao servizo de atención diúrna e 20.856,62€ a transporte.

E as subvencións e axudas dos seguintes organismos públicos:

- Xunta de Galicia, Subvencións da Consellería de Traballo e Benestar Social (Programas de Cooperación 2014-2015, concesión por 9 meses de 1 educador/a social e 1 Terapeuta Ocupacional. O importe imputado ao ano 2015 foi de 3.926,00€, sendo o importe total concedido de 35.334,00€.
- Xunta de Galicia, Subvencións da Consellería de Traballo e Benestar Social (Programas de Cooperación 2015-2016, concesión por 9 meses de 1 terapeuta ocupacional. O importe imputado ao ano 2015 foi de 196,29€, sendo o importe total concedido de 17.667,00€.
- Corporacións Locais: Deputación da Coruña para mantemento de Servizos Sociais Especializados (9.583,67€) e Concellos de Padrón, (12.000€) e Rois (2.000€) e Dodro (500€), para mantemento de actividades.
- Obra Social de la Caixa, a través de oficina: 4.000€ para investimento no Centro Ocupacional para a mellora e modernización de procesos artesanais, tecnoloxías accesibles para todas as persoas e proxectos de inclusión na contorna.

Sorribas, marzo de 2016

www.asociacionamipa.es